



## Javna ustanova Mješovita srednja škola Čelić

Bosna i Hercegovina  
Federacija Bosne i Hercegovine  
Tuzlanski kanton  
JU Mješovita srednja škola Čelić  
Branilaca grada 8, 75246 Čelić  
Tel/Fax: 035 668 010  
E. mss.celic@montk.gov.ba  
ID: 4209429910006  
mssclic.skolatk.edu.ba

Broj:06-1088/24

Datum:20.11.2024.godine

Na osnovu člana 64. stav 1. tačka b) i člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine“, broj 39/14, 59/22 i 50/24), a na preporuku Komisije za javnu nabavku date u Zapisniku o pregledu i ocjeni ponuda broj: 06-1087/24 od 20.11.2024. godine, direktor JU Mješovita srednja škola Čelić, donosi

### ODLUKU O IZBORU NAJPOVOLJNIJEG PONUĐAČA

#### I

Prihvata se preporuka Komisije za javnu nabavku data u Zapisniku o pregledu i ocjeni ponuda broj: 06-1087/24 od 20.11.2024. godine i ugovor o javnoj nabavci učioničkog namještaja dodjeljuje se ponuđaču „**INTER-COM**“ **DOO ZENICA** prema ponudi broj: 00148-11/24 od 08.11.2024. godine, za ponuđenu konačnu ukupnu cijenu od 21.210,00 KM bez PDV-a (slovima: dvadesetjednahiljadadvijestotinedeset KM), kao najpovoljnijem ponuđaču nakon uspješno provedene e-aukcije.

#### II

Prijedlog ugovora o javnoj nabavci dostavit će se na potpis izabranom ponuđaču Inter-Com doo Zenica po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

#### III

Ova Odluka objavit će se na internetskoj stranici škole, istovremeno sa njenim upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

#### IV

Ova Odluka dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke učioničkog namještaja broj: 06-1005/24 od 29.10.2024.godine.

Javna nabavka je sprovedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosila je 21.250,00 KM.

Tenderskom dokumentacijom i Obavještenjem o nabavci predviđena je e-aukcija i zaključenje ugovora sa jednim ponuđačem.

Obavještenje o nabavci broj: 5390-7-1-27-3-8/24 objavljeno je na Portalu javnih nabavki dana 31.10.2024.godine, te u Službenom listu BiH, dana 01.11.2024.godine

Komisija za javnu nabavku imenovana je Odlukom o imenovanju Komisije za javnu nabavku učioničkog namještaja broj: 06-1010/24 od 29.10.2024.godine. Komisija je blagovremeno i pravilno izvršila javno otvaranje ponuda dana 12.11.2024.godine u 13:00 sati, te sačinila Zapisnik sa javnog otvaranja ponuda, koji je blagovremeno (12.11.2024.godine), dostavljen elektronskom poštom svim ponuđačima koji su dostavili ponude.

Komisija za javnu nabavku dostavila je dana 20.11.2024. godine, Zapisnik o pregledu i ocjeni ponuda broj:06-1087/24 od 20.11.2024.godine, te je dala preporuku da se ugovor o javnoj nabavci predmetne nabavke robe dodijeli ponuđaču " Inter-Com" doo Zenica.

U postupku po Zapisniku o pregledu i ocjeni ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4;
- da je blagovremeno zaprimljeno 4 ponude;
- da nema neblagovremeno zaprimljenih ponuda.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je napravila pregled traženih/dostavljenih dokaza, traženih tenderskom dokumentacijom, te konstatovala da su prihvatljive, odnosno da zadovoljavaju postavljene uslove sljedeće ponude:

1. Inter-Com doo Zenica
2. Educa doo Mostar
3. Top-Sport doo Bijeljina (predstavnik grupe ponuđača) / KZ „Metalokozmetika“ Valjevo (član grupe ponuđača)

Komisija je konstatovala da ponuda ponuđača Gradiz doo Sarajevo ne zadovoljava postavljene uslove iz tenderske dokumentacije, te se ista odbija iz sljedećeg razloga:

U skladu sa tenderskom dokumentacijom (tačka 13.td pod a) - tehnička i profesionalna sposobnost, ponuditelj treba da je certificiran po sustavu upravljanja zaštitom životne sredine u smislu organizacije poslovanja, ekološki pristup poslovanja te kontrola utjecaja svojih aktivnosti i usluga na životnu sredinu.U svrhu ispunjavanja navedenog uvjeta, ponuđač je dužan dostaviti ovjerenu kopiju potvrde/uvjerenja/certifikata izdatog od strane neovisnog tijela koji zadovoljava standarde zaštite životne sredine, a zasniva se na odgovarajućim evropskim ili međunarodnim standardima iz koje se vidi da ponuditelj posluje u skladu sa sustavom upravljanja zaštitom životne sredine. Ponuđač Gradiz doo nije nosilac sertifikata koje je dostavio, isti su dostavljeni u neovjerenjnoj kopiji, te nisu na jednom od službenih jezika u Bosni i Hercegovini.

U skladu sa članom 57. Zakona o javnim nabavkama BiH, te pratećim podzakonskim aktima, ponuđač je obavezan pridržavati se zahtjeva iz tenderske dokumentacije.

Članom 44. stav (2) Zakona o javnim nabavkama BiH, je propisano da Ugovorni organ određuje u tenderskoj dokumentaciji uslove za kvalifikaciju tako što utvrdi minimum zahtjeva za kvalifikaciju ponuđača u pogledu njihove lične sposobnosti, ekonomskog i finansijskog stanja, te njihove tehničke i/ili profesionalne sposobnosti.

Članom 68. stav (1) Zakona o javnim nabavkama BiH propisano je da ugovorni organ odbacuje ponudu ako je ponuđač dostavio nepotpune dokaza iz članova 45.-51. Zakona o javnim nabavkama BiH. Dakle prema naprijed navedenim odredbama, da bi se ponuda smatrala prihvatljivom i bila ocijenjena kao prihvatljiva, mora da zadovolji sve uslove i zahtjeve iz tenderske dokumentacije, a kako ista ne ispunava sve uslove i zahtjeve iz tenderske dokumentacije, ima status neprihvatljive ponude.

Iz zapisnika o pregledu i ocjeni ponuda je nadalje vidljivo da je provedena e-aukcija, da je ista počela dana 20.11.2024. godine u 12:00 časova, a završena u 12:10 časova, te da je konačna rang lista ponuđača koji su učestovali u e-aukciji sljedeća:

r/b	Naziv ponuđača	Konačna cijena u KM bez PDV-a	Umanjenje cijene	Rang
1.	INTER-COM DOO ZENICA	21.210,00	0,14%	1
2.	EDUCA D.O.O.	21.220,00	0%	2
3.	TOP SPORT DOO	21.250,00	0%	3

Uvidom u priloženu dokumentaciju, nesporno je da je izabrani ponuđač, nakon provedene e-aukcije, najbolje ocjenjen na osnovu kriterija «najniža cijena».

U postupku donošenja ove Odluke posebno su cijenjene činjenice da je Komisija, potpuno i pravilno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz postupka. U postupku ocjene provedenog postupka, direktor Ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je preporuka o dodjeli ugovora data u skladu sa Zakonom o javnim nabavkama, podzakonskim aktima.

Na osnovu svega naprijed navedenog odlučeno je kao u dispozitivu ove Odluke.

#### Pouka o pravnom lijeku

**Protiv ove Odluke može se izjaviti žalba Uredu za razmatranje žalbi, putem Ugovornog organa, u roku od 5 (pet) dana od dana prijema ove Odluke.**

Dostavljeno:

1. Svim ponuđačima u postupku putem e-maila i poštom
2. Računovodstvo
3. a/a

Direktor

mr. Anina Avdić